

დამტკიცებულია შპს თაობის

დირექტორის მიერ

06.09.2022 წ. №01-04/18 ბრძანებით

შესულია ცვლილება

27.12.2024 წ. №01-04/18 ბრძანებით

შპს თაობა

დისციპლინური კომიტეტის დებულება

ქ. ბათუმი

2022 წელი

დისციპლინური კომიტეტის დებულება

მუხლი 1. ზოგადი ნაწილი

1. სკოლის დისციპლინური კომიტეტი თავის საქმიანობაში ხელმძღვანელობს საქართველოს კანონით „ზოგადი განალების შესახებ“, საქართველოს განათლებისა და მეცნიერების მინისტრის 2014 წლის 30 დეკემბრის №167/ნ ბრძანებით დამტკიცებული „მასწავლებელთა დისციპლინური წარმოების წესის“, სკოლის წესდებით, შინაგანაწესით, საქართველოს კანონით ზოგადი განათლების შესახებ, მოსწავლეთა ქცევის კოდექსითა და მასწავლების ეთიკის კოდექსით.
2. სკოლის დისციპლინური კომიტეტის დებულება მტკიცდება სკოლის დირექტორის მიერ.
3. სკოლის დისციპლინური კომიტეტის დებულება განსაზღვრავს ამოცანებს, უფლება-მოვალეობასა და მუშაობის წესს.
4. დისციპლინური კომიტეტი ხელმძღვანელობს თავმჯდომარე.
5. დისციპლინური კომიტეტის წევრი მონაწილეობს კომიტეტის სხდომების მუშაობაში და კომიტეტს წარუდგენს ინფორმაციას შესწავლილი საკითხების შესახებ.
6. დისციპლინური გადაცდომა განსაზღვრულია შინაგანაწესის მიხედვით, რომელიც ამომწურავად განსაზღვრავს დისციპლინური გადაცდომების ნუსხას და მათთვის გათვალისწინებულ დისციპლინურ სახდელებს.
7. დისციპლინური კომიტეტი სკოლის დირექციისაგან მიღებული მასალების საფუძველზე აფასებს მოსწავლეთა, მასწავლებელთა, სკოლის პერსონალის მიერ ჩადენილი გადაცდომების (შინაგანაწესის დარღვევის) სიმძიმის ხარისხს და ღებულობს გადაწყვეტილებებს შესაბამისი სახდელის დაწესების, ან არდაწესების წესს.
8. დისციპლინური კომიტეტი თავის საქმიანობას ახორციელებს სკოლის დირექციასთან მჭიდრო თანამშრომლობით.

მუხლი 2. დისციპლინური კომიტეტის მიზნები და ამოცანები

1. დისციპლინური კომიტეტის მიზნებია:
 - სკოლაში დისციპლინური გადაცდომებისა და კონფლიქტების შემცირება;
 - ძალადობის პრევენცია;
 - დამრღვევი და დაზარებული მხარის შერიგება;
 - ინციდენტით გამოწვეული ემოციური და მატერიალური შედეგების გამოსწორება;
 - სამართლიანობის აღდგენა;
 - სკოლაში მაღალი ხარისხის დისციპლინის ფორმირებაში მონაწილეობა.
2. დისციპლინური კომიტეტის ძირითადი ამოცანაა:
 - დისციპლინურ წარმოებაში მონაწილეობის მიღება: სკოლის თანამშრომელთა და მოსწავლეთა მიერ სკოლის შინაგანაწესის/შრომის კოდექსის დაღვევის შემთხვევების განხილვა და ადეკვატური სანქციების დაწესება.
 - მოსწავლეთა ქცევის კოდექსის შესრულების ხელშეწყობა.

მუხლი 3. დისციპლინური კომიტეტის უფლება-მოვალეობები

1. დისციპლინური კომიტეტის გადაწყვეტილებები სავალდებულოა კომიტეტის ყველა წევრისათვის და ისინი დროულად და ზუსტად უნდა იქნეს შესრულებული.
2. დისციპლინური კომიტეტი აფასებს გადაცდომის სიმძიმის ხარისხს, შემამსუბუქებელ და დამამძიმებელ გარემოებებს და შესაბამისად, ღებულობს გადაწყვეტილებას დისციპლინური სახდელის დაწესების, ან არდასწრების შესახებ.

მუხლი 4. დისციპლინური კომიტეტის მუშაობის ორგანიზება

1. დისციპლინური კომიტეტის შემადგენლობა და თავმჯდომარე მტკიცდება 1 კალენდარული წლის ვადით, სკოლის დირექტორის ბრძანებით. დისციპლინური კომიტეტის შემადგენლობაში თანაბარი რაოდენობით შედის მასწავლებელი, მშობელი და საშუალო საფეხურის მოსწავლე.
2. დისციპლინური კომიტეტის სხდომები მოიწვევა სკოლის დირექტორის გადაწყვეტილებით.
3. დისციპლინური კომიტეტის წევრები მართავენ მოსწავლეებთან, მასწავლებლებთან, სკოლის თანამშრომლებთან, მშობლებთან ან კანონიერ წარმომადგენელთან (მეურვესთან) ინდივიდუალურ და ჯგუფურ საუბრებს.

მუხლი 5. დისციპლინური კომიტეტის სხდომა

1. დისციპლინური კომიტეტის სხდომის ჩატარების საფუძველს წარმოადგენს სკოლის დირექტორის გადაწყვეტილება. პარალელურად სკოლის დირექცია უზრუნველყოფს კომიტეტისთვის ინფორმაცია/მასალების გადაცემას კონკრეტული პირების მიერ ჩადენილი გადაცდომების შესახებ;
2. დირექტორის გადაწყვეტილების და დისციპლინური კომიტეტისათვის გადაცემული ინფორმაცია/მასალების მიღების შემდეგ კომიტეტის თავმჯდომარე ვალდებულია დანიშნოს კომიტეტის სხდომა.
3. გადაცდომის ჩამდენ პირს, დანიშნული სხდომის თარიღის საათისა და ადგილის შესახებ შეტყობინება (ელექტრონული ან წერილობითი) ეგზავნება სხდომის ჩატარებამდე 3 დღით ადრე.
4. დისციპლინური კომიტეტის თავმჯდომარე თავის წევრებს სხდომის დაწყების შესახებ ტელეფონით, ან წერილობით ატყობინებს სხდომის ჩატარებამდე 3 დღით ადრე, პარალელურად საკითხის შესასწავლად კომიტეტის წევრებს, გადასცემს გადაცდომის ჩადენის შესახებ შემოსულ ინფორმაციას/მასალებს.
5. დისციპლინური კომიტეტის სხდომის ჩატარების შესახებ სკოლის დირექტორის გადაწყვეტილებიდან 7 დღის ვადაში, დისციპლინური კომიტეტი ვალდებულია შეისწავლოს და განიხილოს შესაძლო დისციპლინური გადაცდომის საკითხი და კომიტეტის სხდომაზე მიიღოს გადაწყვეტილება სახდელის დაწესების, ან არდაწესების შესახებ.
6. დისციპლინური კომიტეტის სხდომა დახურულია, მაგრამ სხდომაზე დასწრების უფლება აქვთ: სავარაუდო გადაცდენის ჩამდენის წარმომადგენელ პირებს, მშობელს, ან კანონიერ მეურვეს, სკოლის დირექციას, ფსიქოლოგს და კლასის დამრიგებელს.

7. სხდომა უფლებამოსილია, თუ მას ესწრება დისციპლინური კომიტეტის წევრების არანაკლებ 2/3-ისა.
8. დისციპლინური კომიტეტის თავმჯდომარე (მისი არყოფნის შემთხვევაში – კომიტეტის თავმჯდომარის მიერ შერჩეული წევრი) ირჩევს სხდომის მდივანს, ხსნის და წარმართავს სხდომას არსებული პროცედურების დაცვით. ის აცხადებს კონკრეტული პირის მიმართ სახდელის დაწესება/არდაწესების შესახებ მიღებულ გადაწყვეტილებებს.
9. პირველადი დასკვნის მომზადების პერიოდში სასურველია, დისციპლინური კომიტეტის თავმჯდომარე შეხვდეს და ესაუბროს გადაცდომის ჩამდენ პირს, მოსწავლეს, მის მშობელს/მეურვეს, მასწავლებელს, თანამშრომელს ასევე, კონფლიქტის შემთხვევაში დაზარალებულ მხარეს გადაცდომის ობიექტური მიზეზებისა და გარემოებების დადგენის მიზნით.
10. სხდომაზე დამსწრე ნებისმიერ პირს უფლება აქვს, გამოთქვას საკუთარი მოსაზრება რომელიმე კონკრეტული გადაცდომის შესახებ.
11. სხდომის დროს, გადაწყვეტილების მიღებამდე, დისციპლინური კომიტეტის წევრებს უფლება აქვთ, კითხვებით მიმართონ დისციპლინური გადაცდომის ჩამდენ პირს, ან მის წარმომადგენელს (მშობელი/მეურვე, მასწავლებელს), ასევე კონფლიქტის შემთხვევაში დაზარალებულ მხარეს.
12. კონკრეტული გადაცდომის განხილვისას დისციპლინური კომიტეტის წევრს უფლება აქვს, კითხვებით მიმართოს დისციპლინური კომიტეტის სხვა წევრებსა და სხდომაზე დამსწრე დირექციის წარმომადგენელს.
13. სხდომაზე შესაძლებელია მოისმინონ მოსწავლის თვითშეფასება, პედაგოგის შეფასება მოსწავლის შესახებ, მშობლების შეფასება მისი შვილის შესახებ.

მუხლი 6. დისციპლინური კომიტეტის სხდომის გადაწყვეტილება

1. სხდომაზე განხილული კონკრეტული გადაცდომის ჩამდენი პირის მიმართ დისციპლინურ კომიტეტს უფლება აქვს მიიღოს შემდეგი სახის გადაწყვეტილებები:
 - დადგენილება სახდელის დაწესების და სახდელის მოქმედების ვადის შესახებ;
 - დადგენილება სახდელის არდაწესების შესახებ;
 - დადგენილება საკითხის გადადების შესახებ (გარემოებების უკეთ შესწავლის მიზნით).
2. გადაწყვეტილების გამოტანისას მნიშვნელობა ენიჭება გადაცდომის ხასიათსა და სიმძიმეს, გადაცდომის ჩადენის პირობებს, შემამსუბუქებელ და დამამძიმებელ გარემოებებს.
3. კომიტეტი გადაწყვეტილებას მიიღებს დამსწრეთა ხმების უმრავლესობით ღია კენჭისყრით. მხოლოდ მოსწავლის გარიცხვის შემთხვევასთან დაკავშირებით ტარდება ფარული კენჭისყრა. ასეთ დროს წინასწარ უნდა მომზადდეს ხმის შესაგროვებელი ყუთი და ბარათები ზედ წარწერილი ალტერნატივებით. საჭიროა ხმის დამთვლელი პირის არჩევა.
4. ხმათა თანაბარი განაწილების შემთხვევაში უპირატესობა ენიჭება კომიტეტის თავმჯდომარის ხმას.
5. დისციპლინური კომიტეტის წევრს, რომელიც არ ეთანხმება კონკრეტული გადაცდომის მიმართ გამოტანილ გადაწყვეტილებას, უფლება აქვს, წერილობითი ფორმით დააფიქსიროს თავისი მოსაზრება, რომელიც განხილული საკითხის მასალებს დაერთება. მიღებული გადაწყვეტილების ასლი მიეწოდება სკოლის დირექციას სხდომის ჩატარებიდან არა უგვიანეს 3 დღის ვადაში.

6. დისციპლინური სახდელის დაწესების შესახებ გადაწყვეტილება ფორმდება დისციპლინური კომიტეტის სხდომის ოქმში.
7. მიღებული გადაწყვეტილების ასლი სახდელის დაწესება/არდაწესების შესახებ, გასაჩივრების პირობებით, მიეწოდება გადაცდომის ჩამდენ მოსწავლეს/მასწავლებელს სხდომის ჩატარებიდან არა უგვიანეს 3 დღის ვადაში.
8. გადაცდომის ჩამდენი პირისთვის სახდელის დაწესების შესახებ დისციპლინური კომიტეტის სხდომის გადაწყვეტილების ასლის მიწოდებისას მას უნდა განემარტოს, რომ შეუძლია, აღნიშნული გადაწყვეტილება 7 დღის ვადაში გაასაჩივროს სკოლის დირექციაში.
9. დისციპლინური სახდელის მოქმედების ვადა განისაზღვრება 6 თვით. თუ ამ ვადის პერიოდში არ ჩადენილა ახალი გადაცდომა, დისციპლინური სახდელი იხსნება ავტომატურად.
10. დისციპლინური კომიტეტის წევრები და პირები, რომლებიც მონაწილეობდნენ სხდომაზე კონკრეტული გადაცდომის განხილვაში, ვალდებული არიან არ გაამჟღავნონ ის ინფორმაცია, რომელიც მათთვის ცნობილი გახდა სხდომის დროს.

მუხლი 7. დისციპლინური კომიტეტის სხდომის ოქმი

1. დისციპლინური კომიტეტის მდივანი აწარმოებს ოქმს.
2. დისციპლინური კომიტეტის ოქმი შეიცავს შემდეგ აუცილებელ რეკვიზიტებს:
 - ა) სკოლის დასახელებას;
 - ბ) სხდომის ჩამტარებელი ორგანოს დასახელებას;
 - გ) ოქმის ნომერს;
 - დ) თარიღს;
 - ე) სხდომის დაწყების დროს;
 - ვ) სხდომის თავმჯდომარის და სხდომის მდივნის სახელსა და გვარს, თანამდებობას.
 - ზ) დამსწრე პირების დასახელებას;
 - თ) დღის წესრიგს;
 - ი) დამსწრე პირთა გამოთქმულ აზრს, მოწვეულ ექსპერტთა განმარტებებს (ასეთის არსებობის შემთხვევაში);
 - კ) გადაწყვეტილების მიღებაში მომხრეთა და მოწინააღმდეგეთა რაოდენობას;
 - ლ) გადაწყვეტილებას;
 - მ) სხდომის დასრულების დროს;
 - ნ) სხდომის თავმჯდომარისა და სხდომის მდივნის ხელმოწერებს.

მუხლი 8. დისციპლინური კომიტეტის მიერ მიღებული გადაწყვეტილების გასაჩივრება

1. პირი, რომლის მიმართაც დისციპლინურმა კომიტეტმა მიიღო სახდელის დაწესების გადაწყვეტილება, სახდელის დაწესებიდან 7 დღის ვადაში უფლება აქვს გაასაჩივროს სკოლის დირექციაში.

2. სკოლის დირექციას უფლება აქვს დისციპლინური კომიტეტიდან გამოითხოვოს კონკრეტული სხდომის ოქმი და მასალები.
3. სკოლის დირექციის მიერ ინფორმაციის გამოთხოვნის შემთხვევაში დისციპლინურმა კომიტეტმა უნდა გასცეს საქმისწარმოების მასალები კონკრეტული პირის შესახებ 2 დღის ვადაში.
4. საჩივრის დაკმაყოფილების შემთხვევაში სკოლის დირექციის შესაბამისი ოქმის საფუძველზე დისციპლინური კომიტეტის სხდომაზე უნდა მოიხსნას დისციპლინური სახდელი, რაც ასევე ფიქსირდება სხდომის ოქმში.

მუხლი 9. დისციპლინური კომიტეტის გადაწყვეტილების რეალიზაცია

1. სხდომის ჩატარებიდან არა უგვიანეს 3 დღის ვადაში გადაწყვეტილების ასლი მიეწოდება სკოლის დირექციას.
2. სხდომის ჩატარებიდან არა უგვიანეს 3 დღის ვადაში გადაწყვეტილების ასლიდან ამონაწერი სახდელის დაწესება/არდაწესების შესახებ, გასაჩივრების პირობებით, მიაწოდეთ დისციპლინური გადაცდომის ჩამდენ თანამშრომელს, მასწავლებელს. მოსწავლის შემთხვევაში მოსწავლეს/მშობელს/მეურვეს. ასლი კი კლასის დამრიგებელს;
3. თუ სახდელის მოქმედების პერიოდში არ იქნა ჩადენილი ახალი გადაცდომა, დისციპლინური სახდელი მოიხსნება ავტომატურად. სახდელის მოხსნასთან დაკავშირებით კომიტეტის სხდომა არ ტარდება;
4. კომიტეტმა თვალი უნდა ადევნოს სახდელის შესრულებასა და ზემოქმედების შედეგებს.